

٠١ - المَطَهَّرُ الأوَّلُ سلسلة طيبين - الشيخ محمد خيرى

محمد خيرى

الحمد لله رب العالمين. له الحمد الحسن والثناء الجميل اشهد ان لا اله الا الله وحده لا شريك له واشهد ان محمدا عبده ورسوله. وبعد فاسأل الله سبحانه وتعالى ان يبارك في هذا المجلس. ويرزقني واياكم فيه علما نافعا ورزقا طيبا وعملا متقبلا - [00:00:00](#)

كل ابن ادم خطاء وما من انسان الا وله ذنوب. والنبي قال صلى الله عليه وسلم والذي نفسي بيده لو لم يذنبون لذهب الله بكم. ثم اتى بقوم يذنبون ثم يستغفرون فيغفر الله لهم. في هذه الحياة - [00:00:26](#)

المرء ييمر باحوال من ضمن الاحوال لانه يتلبس بذنوب. فكيف يعيش الحياة الطيبة وكيف يتخلص من هذه الذنوب وهو سائر الى الله سبحانه وتعالى. هناك اكثر من تسع محطات عشر محطات فيها التصفية لهذا الزنب. يعني انا عشان القى الله سبحانه وتعالى. وان الزنب ده - [00:00:49](#)

فيمحص مني. في فرصة ان الزنب ده يعني يمحق ويقدر الله علي انت اتعافى منه ام لا؟ في عشر محطات بتلاتة في الدنيا. تلاتة في الدنيا. وفي زيهم في البرزخ - [00:01:19](#)

واخا والباقي يوم القيامة. تعالوا نمسك ونشوف الامام ابن القيم بيقول لنا ايه هو وشيخه ابن تيمية. ابن تيمية يقول ان المؤمن اذا فعل سيئة فان عقوبتها تندفع عنه بعشرة اشياء. ايه هم العشرة دول؟ واحد التوبة النصوح. التوبة النصوح - [00:01:46](#)

يبقى ديت اول حاجة. اتنين الاستغفار. الاستغفار. وقيل ان التوبة والاستغفار حاجة واحدة. وهنقول دلوقتي ايه الفرق بينهم؟ او خلينا نقول من دلوقتي تشم وما ننساش. الاستغفار هو بداية التوبة. اذا - [00:02:16](#)

تستغفر على حاجة تمت ولا حاجة جاية حاجة تمت صح؟ فالاستغفار على ما مضى طب التوبة؟ طوبى ترتبط بسلاسة ازمنة. الزمن الماضي والحاضر والمستقبل. في الماضي ندم واحد بيتفرج على حاجة مش كويسة. بيمد ايده على شيه لا يحل له. المهم - [00:02:36](#)

فالزنب ده عاوز يتوب منه. عشان يتوب لازم يحقق تلات حاجات. اول حاجة يندم اللي فات ويقلع على الحالي. خلاص تندم على اللي حصل امبارح ومن ده الوقت تقلع وتسيب اللي في ايديك وتعزم على ما هو ات يعني في المستقبل انك ما تعملش كده تاني - [00:03:06](#)

فبفرض وقعت هنجدد تاني التوبة. خلاص؟ فديت التوبة باختصار. يبقى التوبة والاستغفار ممكن نحسبهم حاجة واحدة فهذا الامر الاول. طيب الامر الساني الحسنات الماحيات. حسنة يتمحو. الحسنات الماحيات. الامر التالت اللي في الدنيا المصائب المكفرات. المصائب المكفرة - [00:03:36](#)

دول تلاتة تلت محطات تنقية وتصفية هتقابلك في الدنيا عندك. فرص انك تنقي وتفلت وتطهر صحيفتك. التلاتة دول بينضفوا. ويخلوك القى الله صاحب صحيفة بيضاء وقلب بيضاء ان شاء الله تكون ممن قيل فيهم يوم تبيض - [00:04:06](#)

فده الايه؟ التحصين الاول. فالتحصين بيكون في الدنيا باربعة اشياء زي ما ابن القيم بيقول لنا الاربعة دول قلنا التوبة والاستغفار نحسبهم حاجة واحدة فيبقى تلاتة هنقسمهم لبتاع. يبقى ايه؟ قل واحدة واحدة. وعمل الحسنات الماحيات - [00:04:36](#)

والمصائب الايه؟ المكفرات. طيب اللي هيرزق الاربعة دول او التلاتة دول وايه يمحص بهم ويطلع منهم طاهر ابن القيم بيقول لنا ده اللي هيتقال له يوم القيامة والملائكة تنرقاهم تقول لهم ايه؟ طيبين - [00:04:56](#)

وطيبتم فادخلوها خالدين. تتوفاهم الملائكة طيبين. طيب دول ربنا نسال الله العفو والعافية انسان الاربعة دول ما كانوا كافيين

ومش فلتروا زنوبه ومش محوها في فرصة ثانية ولا انتهى كده؟ في فرص ثانية. ايه هي الفرص؟ ابن القيم بيقول لنا في القبر فيه ثلاث فرص - [00:05:16](#)

يبقى في الدنيا كان في ايه اربعة لو قلنا ان الاستغفار والتوبة اتنين. لو حطيناهم واحدة يبقى ثلاثة. ماشي؟ وهنشرح كل واحدة ان شاء الله يبقى دول في الدنيا ثلاث فرص. طب وفي القبر؟ فيه ثلاثة برضو. ايه هم الثلاثة اللي في القبر؟ اول واحدة صلاة -

[00:05:46](#)

اهل الايمان على الجنابة. صلاة اهل الايمان على الجنابة. يبقى دي اول واحدة تنفع في قبر عشان كده من رحمة الله بك انك تجهز لليوم المشهود ده. اليوم ده تجهز له من - [00:06:06](#)

سيصلي عليك. ده سؤال لازم حضرتك تعد لي جواب. يقول لك انا ما اعرفش مين هيصلي عليك اللي القاعد على القهوة عارف مين هيصلي عليه. في المجمل عارف مين اصحابه صح؟ ما هو اكيد يعني - [00:06:26](#)

اه اكيد مش الناس الغرب اصحابه اللي هيصلوا عليه. مين بقى اصحابك؟ كل واحد يدور ويشوف مين صحابه. اهل المسجد عارفين مين هيصلوا عليه؟ يعني النهاردة واحد في المسجد مات. تلاقيه الحاج يقول لك ايه يا جماعة فلان توفي وان شاء الله - [00:06:46](#)

الجنابة في مسجد كذا الساعة كذا. مين هيروح يصلي؟ الناس اللي سمعت اللي هم مين؟ احبابه اصحابه معارفه واحيانا بيكون باللطف الله بك ان يكون في حد من اولادك من اهل الصلاح - [00:07:06](#)

فيكون هو له يد عليك عندما تموت هو يجلب اهل الخير لصلاة الايه؟ الجنابة عليك. يبقى قلنا في البارزة ثلاثة اول واحدة ايه صلاة اهل الايمان ايه؟ في الجنابة. خلاص؟ طيب ثاني واحدة في - [00:07:26](#)

جنة القبر. التضييق اللي ممكن يتم عليه في القبر ده دي حاجة صعبة ما هو الاصعب منه لو قابلته انك تدخل النار والعياز بالله. فيتشد عليه في القبر ويفلت احسن ما - [00:07:46](#)

ايه؟ ما يبقى منتزر نسال الله العفو والعافية السعير طيب وايه كمان بقى؟ ما يهدى اليه من اخوانه من اعمال صالحة. عملوا له صدقة قاد جارية واعملوا له كذا واللي عمل له عمرة واللي والي ده كله ايه؟ ينفعه ويطهر ويقلل ماشي - [00:08:04](#)

حسنتات يزهبن السيئات فدي كلها حسنتات. يبقى عندنا دلوقتي ثلاثة فين؟ في البرزخ. طيب التبحيص ما تمش قوي. واضح ان هو كان عامل مشاكل كبيرة قوي. اه يدخل على فين بقى؟ على المرحلة اللي بعدها. ايه هي المرحلة اللي بعدها بقى - [00:08:30](#)

فان لم تنفي هذا ففي اربعة اشياء. احوال يوم القيامة وشدة الموقف وشفاعة الشفعاء عفوا الرحمن جل وعلا. هم دول الاشياء ان المرء سبحانه الله عنده عشر فرص العشرة دول ممكن يعدوها. تعالوا نمسك اول واحدة وهي التوبة. اول واحدة. نسال الله ان - [00:08:50](#)

تب عليه وان يسدنا واياكم للتوبة في عفو وعافية النبي صلى الله عليه وسلم يحكي لنا فيقول اني لا اعرف اخر اهل النار خروجا من النار صلى الله عليه وسلم. واخر اهل الجنة دخولا للجنة. بيحكي لنا الراجل ده - [00:09:20](#)

كيف سيتعامل معه الله سبحانه وتعالى؟ ويحكي لنا مشهد لا يسعك الا ان تهتف بقلبك اللهم اني اشهدك اني احبك. اما تسمع كده الراجل ده هيتعامل معه ازاى تقول يا رب انا اشهدك - [00:09:47](#)

اني احبك واشتاق اليك. يقول النبي رجل يؤتى به يوم القيامة. انتم عارفين يوم القيامة والشمس تدنو من الرؤوس مقدار ميل. والناس غرقانة في العرق بتاعها. وكل واحد يفر يوم يفر - [00:10:07](#)

والمرء من مين؟ كله بيفر من اقرب الناس من الاخ من صاحبة من الاب من كله بيفر. عافانا الله واياكم يؤتى به يوم القيامة. فيقول الله التواب سبحانه وتعالى. اعرضوا عليه صفائر ذنوبه - [00:10:27](#)

اعرضوا عليه صفائر الذنوب. فيلاقي بقى صفائر الذنوب ايه هي؟ ما هو فيه ذنوب في الشريعة تسمى الصفائر وفي ذنوب اسمها ايه؟ الكبائر. ايه الصفائر ده! واحد مسلا بص بصة على عورة على واحدة ماشية بشعرها ماشية عارف ايه ده صفائر لكن الكبائر بقى نسال

الله العفو والعافية - [00:10:47](#)

واحد بقى ارتكب الفاحشة شرب خمر مش عارف ايه. مبتلى بالكذب ليل نهار. نسال الله السلامة والعافية ففي واحد جه يوم القيامة

يقول النبي صلى الله عليه وسلم فيقال اعرضوا عليه - [00:11:17](#)

ذنوبه خليه يشوف الصغائر الاول. وارفعه عنه كبارها. يعني افتح الصحيفة ما فيش كلمة ايه؟ حاجات الكبيرة ما بتظهرش. فيقال له عملت يوم كذا وكذا وكذا. عملت يوم كذا - [00:11:37](#)

وكذا كذا وكذا يعني يوم كذا عملت كذا ويوم كذا عملت كذا الراجل بيتعرض عليه فيقولوا نعم لا يستطيع ان ينكر وهو مشفق من كبار ذنوبه. ان تعرض عليه. الموضوع ايه؟ رعب - [00:11:57](#)

احضر كده انك رايح لصاحب الشركة وهيرفعوا فيك التقرير السنوي عشان يدوك بقى انت عاوز علاوة ولا عاوز ايه ولا هيتخصم لك ولا هتاخذ مكافأة ولا ايه عاوزين يرفعوا فيك تقرير. فاستشعر جاييين لجنة - [00:12:24](#)

بتفضي الكاميرات واللجنة دي بقى بتطلع الشيتات وبتحسب. وانت عارف انك مبهدل الدنيا الدنيا بهدلة وسارق من الخزنة وضارب ورق ومستفه موال. فلقبتهم بيحاسبوك وعلى ايه؟ اه انت والله عندك كذا غلطة انك بتيجي متأخر احيانا من الدوام ويعني في

اوقات كده بتسلم الشيتات مش كاملة - [00:12:44](#)

طبعاً وانت ايه عارف ان اللجنة دي ما بتعديش حاجة. فانت هتدتك تنكر في دي وتقول يا ريت على دي صح؟ فقاعد ايه؟ اه ماشي صح وربنا يسهل ان شاء الله هتزيبط. المرة الجاية مش هتعمل وان شاء الله هتزيبط وبتاع والكلام ده - [00:13:14](#)

فهذا الرجل يتعرض عليه امال يتعرض عليه حاجات الايه؟ الصغيرة دي. دي وراء ده وراء ده وراء ده. سبحان الله فيقال له فان لك مكان كل سيئة حسنة. من الايه؟ من الحاجات الصغيرة. كل حاجة - [00:13:34](#)

ديك هتكون ايه؟ مكتوبة سيئة تتقلب حسنة. شف سبحان الله من دهشة التواب لهؤلاء ومن دهشة عطاءه لان الله الوهاب الشكور جل جلاله يعطيك عطاء واسع وهو الواسع سبحانه وتعالى. يعطيهم عطاء لدرجة ان الراجل ده شايف الزنوب وشايف كل حاجة -

[00:13:57](#)

شف يلجأه العطاء انه يقول ايه؟ فيقول يا رب عملت اشياء لا اراها ها هنا تعرفوا الجماعة اللي هم بتوعوت اللجنة اللي كنا بنتكلم عليهم من شوية بعد ما شافوا بقى ليه تيجي متأخر ومش بتسلم الشيك بتاعك يروح - [00:14:27](#)

يقولوا له ايه؟ بص. انت الراجل بتاع الموارد البشرية راجل طيب. وان صاحب الشركة راجل طيب قال على كل غلطة عملها وهنعفو عنه وندي له الف جنيه. على كل غلطة صغيرة عملها هندي له الف جنيه. فتروحووا تقولوا ايه؟ طب انا عاوز اقول حاجة - [00:14:47](#)

هو الموضوع هيتبدل كده ليه؟ انا كنت سرقت نص مليون من الخزنة. اه وانا اللي قتلت الحارس. وانا اللي عملت لأ ما هو الموضوع ايه في تبديل وهو امن. شف سبحان الله! انت تعبد ربا اذا اعطاك ادهشك - [00:15:07](#)

الجأت ان تعترف بكبائر ذنوبك وانت فرحان. اين تجد مسل هذا الرب؟ سبحانه وتعالى. ان يلجأك انك تقول عن اخطر ذنوبك وقدامه وانت في غاية الهدوء والفرح والسعادة طالما بقى فيه تبديل يبذل الله سيئاتهم حسنات. فطالما فيه تبديل لا ده احنا نقول بقى -

[00:15:27](#)

سبحان الله! فمن عطاءات الله التبديل. انه يبذل سيئاتك حسنات. ولذلك ده من المفترض من الادعية تكون حاضرة في قلبك يا رب بدل سيئاتي حسنات. دايمًا تقول كده في دعائك ان ربنا سبحانه وتعالى - [00:15:57](#)

مما اعطى عباد الرحمن فاوليك يبذل الله سيئاتهم حسنات. يعني انا ممكن اكون نضيف وممكن ان الدنيا تزيبط الصنم مقضيها صعب خالص انا كنت بعيد جدا عن ربنا ده انا عملت وسويت وارتكبت الفاحشة وسرقت ونهيت وعملت وعملت - [00:16:17](#)

ممكن لو تبت وانتظبت ورديتم الحقوق. فعلا الموضوع لا ده انت مش ربنا مش هيعفو بس ده يفرح بك. سم يبذل سيئاتك حسنات. فاشكر ربك انك تعبد ربا يفرح بك اذا عدت. سبحان الله - [00:16:37](#)

انتم استشعروا كده يا جماعة لو احنا في المجلس دلوقتي وواحد قام وراح الشاتم حضرتك بالام قال لك انت ابن كذا وابن كذا وابن كذا. والناس تهد يا ابني عيب وبتاع ده قد ابوك وبتاع والراجل كباره ومحترم - [00:17:04](#)

شوية رحمت انت قلت له يا حاج انا اسف وبتاع وعملنا قعدة بقى وحت اهاجموا اهله وراضينا الراجل وباس دماغه ولا حقتك علي.

الولد ده مش متربي واديك جاي منكسر. وشايل كفته. وبيقول لك انا اسف. قلت له طيب ماشي خلاص عفونا - [00:17:25](#)

الكلام ده كان في صلاة الفجر جينا في صلاة الظهر راح قايم قدام الناس وبصق في وجهك. تعمل ايه معه؟ ده احنا لسه قاعدين على الضحك والراجل عمل كزا وكزا وكزا وتعفو عنه ولا ترفع عليه قضية وتشهد الناس وتبهده في المحاكم - [00:17:45](#)

ومش هسببه والله لو حصل كزا. جت امه وتعيط وشايلينها على الكرسي المتحرك وبتاع وتبوس رجلك وضهرك ووشك يا عم في الاخر انت صعبت عليك فوفيت. جه العصر راح جايب عصاية وراح خابطك وانت بالصلاة. هتسيبه بقى المرة دي - [00:18:06](#)

عمرك ما تسيبه صح؟ ليه؟ غلط ثلاث مرات احنا بنغلط ليل نهار. ونرتكب خطأ ليل نهار. ولكن الله سبحانه وتعالى جل جلاله لا يقابل هذا الخطأ الا بان انه ينادي علينا بالتوبة. يتنزل سبحانه وتعالى في الثلث الاخير من الليل. ويقول هل من تائب - [00:18:26](#)

هل من مستغفر؟ سبحان الله. النبي صلى الله عليه وسلم قال لنا كده اذا كان ثلث الليل الاخير يعني خلاص بقى تلت الليل قبل الفجر كده ينزل الله نزول يليق بجلاله ليس كمثل شيه. سبحانه. ثم يقول هل من سائل - [00:18:56](#)

في حد عاوز حاجة؟ سبحان الله! تخيل لو ان احنا عشان نتوب يقول لك. عارفين الميقات بتاع العمرة كل الناس ليها ميقات ليها مكان تحرم منو صح؟ استشعر ان للتوبة ليها ميقات؟ ده كان موال استشعر كده مسلا عشان تتوب وتروح - [00:19:16](#)

الاردن وبتاع الاردن بقى يروح عامل يقول لك اقلل الاجواء النهارده الشهر ده ما فيش حد نازل الاردن يا حاج الناس موت الراجل عاوز يتوب وخايف من الموت ما فيش حد هينزل كانت الناس تتوب ازاي؟ استشعر كده ان هم ثلاث اماكن - [00:19:36](#)

لا تروح الاردن لا افغانستان لا الصين. وبيلم فلوس رايح مكان التوبة. الميقات سبحان الله! طب تخيل بقى لو مش مكان لأ تخيل ان الله لا يتوب على الناس الا في يوم واحد في العام - [00:19:56](#)

هو يوم واحد بس. خلاص يوم تلتاشر رجب هو ده اليوم الواحد. اذنت يوم خمستاشر رجب انت ونصيبك استنى سنة ولو مت هتموت على المعصية وليتلك مش فايده. شف القهر اللي الواحد ممكن يعيشه في حياته ما ما تقدرش - [00:20:16](#)

صح؟ جل جلاله لا يغلق باب التوب لحزة. ايا كان مكانك ايا كان زمانك ايا كان زنبك. في اي وقت. سبحان الله. وبعدين هنا في الحديث ده ينزل سبحانه وتعالى يقول النبي صلى الله عليه وسلم مش كان ممكن يرسل ملك من الملائكة كل يوم جمعة - [00:20:36](#)

ملك ينزل يقول هل من تائب؟ هل من مستغفر؟ ويبقى مرة في الاسبوع. لا لا لا. طب الملائكة اللي تنزل يوميا؟ لا. هو جل جلاله الذي ينظر. ويقول هل من تائب؟ كل الفرص دي تتفتح لك وفي الاخر خالص تضيعها لا تلومن الا نفسك - [00:21:06](#)

الراجل ده اللي رايح يقول لربنا سبحانه وتعالى يوم القيامة يا رب عملت اشياء لا اراها ها هنا خلاص كنت ارتكبت الفاحشة وكنت في يوم من الايام مش عارف ايه وكنت ضربت اختي بالقلم ومرة سرقت ومرة ضحكت على المدرس ومرة مش عارف ايه - [00:21:26](#)

وفطرت في رمضان وعملت وعملت. انت يا ابني بالجرأة دي بتحكي ليه؟ يقول لك ما هو كله بيتغير. قل بقى عارف اما تيجي تقول لابنك تقول له ايه؟ تقول له بص. اللي هيكذب مش هياخد ده انه يكذب - [00:21:46](#)

برضو وبتاع تقول طيب براحتك. طب عموما عشان انت صادق خد دي. تدي له مسلا ايه كراميل ولا شوكولاتة وبالنسبة للي كتب اه الكورة دي ولا عشر شوكولات ليه؟ يروح قايل لك ايه؟ انا اللي كتبت صح؟ اعملها كده مع ولادك - [00:22:06](#)

عم يقولها هو وهي يقول له طيب ماشي يعني انت صادق؟ اه. طب احنا هندي الصادق الايه؟ الجنيه ده. هندي الصادق الخمسة جنيه دي. خلاص؟ طب واللي كذب متين جنيه له. هيقول لك ايه؟ انا الكزاب لا ريب في هذا - [00:22:26](#)

ويحلف لك ويجيب لك شهود انه كزا. وبيقول لك كزاب اشر كمان. اه سبحان الله! امال سيدنا عيسى استعمل الكلام ده في يوم من الايام. كم مرة ماشي مع واحد والراجل ده ايه يعني مش مزبوط - [00:22:46](#)

وهم ماشيين فالله سبحانه وتعالى كان هو معهم ارغفة. فسيدنا عيسى اخذ رغيف والراجل اخذ ايه؟ رغيف. ففي رغيف تالت صاحبنا خده. سيدنا عيسى ببسأله مين اللي اكل الرغيف السالس؟ قال والله ما رأيت شيه - [00:23:06](#)

والله ما اكلت شيئا. ما نعرفش يمكن شف كده يمكن فيه قطة خدته حداية ما اعرفش بس انا خدت بتاعي. وانت خدت بتاعك سيدنا عيسى سابه وهو ماشيين سيدنا عيسى في تلت معجزات بس عشان الوقت يعني يمروا على نهر - [00:23:26](#)

فيجوا يبصوا كده هيعدوا ازاي مش هيعدوا. فسيدينا عيسى يقول له ايه خليك في شهري. وبعدين يمشوا ويعدوا النهر. الراجل ينبر
حاجة كده ايه الجمال ده! يقول له اسألك بالذي اراك هذه الاية. من الذي اكل الرغيف الثالث؟ يقول له والله ما اكلت - [00:23:46](#)
ببرجع تاني يحن نقول له والله ما انا. يخرب بيت شيطانك. طيب برضه اية كمان يقول له والذي اراك هذه الاية من مين اللي اكله
دي؟ سيدينا عيسى شاف ان صاحبنا ده ايه؟ مش هيتعدل. فكان بعد ما عدوا راح جايب ثلاث اكوام - [00:24:06](#)
وعملهم كده قدامه خلاص ودعا الله انها تتحول ذهب فانتهى اتحولت ذهب فقالوا ايه؟ هزا لي كوم ده لي وهذا وهزا للذي اكل
الرغيف السالس. قال انا الذي اكلته. بس. ده بتاعي. هو ده بتاعي - [00:24:26](#)
سبحان الله! ولها قصة بقى لها تكلمة كده جميلة بعدين بقى نبقى نحكيها. الشاهد ان الله سبحانه وتعالى لان من اسمه الوهاب التواب
الشكور الجميل المحسن احسن لهذا الاحسانا جعله ينطق بكبائر الزنوب. امر آ محير جدا صح؟ لذك - [00:24:46](#)
النبي صلى الله عليه وسلم يقول الصحابي فقد رأيت رسول الله صلى الله عليه وسلم. ضحك حتى بدت نواجزه. يعني النبي صلى
الله عليه وسلم من الراجل ده اللي هو ايه ظهر بهذا الامر. سبحان الله! ولذك النبي صلى الله عليه وسلم كان مرة في يوم من الايام
مع ابي ذر - [00:25:16](#)
هو بيقول اتيت النبي صلى الله عليه وسلم وعليه ثوب ابيض. وهو نائم. ثم اتيته قد استيقظ فقال النبي ما من عبد قال لا اله الا الله
اي وعاش عليها وقالها بصدق يعني ثم - [00:25:36](#)
ومات على ذلك الا دخل الجنة. ابو ذر طبعاً من العباد التقال. فقال له وان زنا وان ارق فقال النبي وان زنا وان سرق. فراح مين؟ ابو زر
برضه وقال طب نسأل تاني - [00:25:56](#)
هو عرف الاجابة. بس يقول ايه؟ لعل النبي صلى الله عليه وسلم يديني ايه؟ زيادة. فقلت وان زنا وان سرق يا رسول ثم؟ قال نعم وان
زنى وان سرق. طالما مات على التوحيد خلاص ما له الا ليه؟ جنة الله سبحانه وتعالى - [00:26:16](#)
فقال في السالسة يا رسول الله وان زنا وانسرق؟ فقال النبي صلى الله عليه وسلم وان زنا وان سرق على رغم انف ابي زر. يعني من
غضب عنك. سبحان الله! لا يسأل عما يفعل - [00:26:36](#)
مع الجنة ديت اللي هي اسمها الخلق خلقه. والجنة هو الذي اعدّها جل جلاله يدخل من يشاء ويصرف عنها من يشاء. فكان اول محطة
تنقية هي محطة التوبة. انك تتوب - [00:26:56](#)
وان يوفقك الله سبحانه وتعالى تجد الرب يعاملك بهذه المعاملة. فسبحان الله في الباب ده لو فعلاً عاوز تعيش حياة طيبة تبدأ به.
يبقى ده المحطة الاولى لو احنا عاوزين نتخفف من الزنوب. نقابل ربنا - [00:27:16](#)
ربنا مش معنا حاجة مش علي حاجة. الباب الاولاني باب التوبة. طب لو انا ما وفقتش في التوبة؟ زنوبي ديت هاقابل ربنا بها ولا في
فرصة في حاجات ممكن تحصل تتفلتر فيها اه لا ده احنا قلنا ايه في تسع اشياء غير - [00:27:36](#)
اللي هي ايه؟ مش هنقول كل حاجة النهاردة. بكرة بقى نكمل ان شاء الله. فاسأل الله سبحانه وتعالى ان يوفقي وياكم للتوبة واللاوبة
واسأل الله ان يمن علي وعليكم بحسن العمل وحسن الخلق وحسن الختام. اقول قولي هذا واستغفر الله لي ولكم - [00:27:56](#)